

Qurbon hayiti va vaktsinatsiya



Shu kunlarda musulmon ahli Qurbon hayitini munosib nishonlamoqda. Yurtimizda davlat rahbari qarori bilan uch kunlik dam belgilangan.

Ammo shunday kasb egalari borki, ular bayram kuni oilasi, yaqinlari davrasida emas. Anglaganingizdek, gap shifokorlar, hamshiralalar haqida.

Piskent tumani ko'p tarmoqli poliklinikasida odam gavjum. Shifokorlar, patronaj hamshiralari aholini koronavirus pandemiyasida salomatligini ishonchli saqlash uchun vaktsinatsiya jarayonlarini sifatli o'tkazish maqsadida ishlayaptilar. Dam oshish kuni bo'lishiga qaramay, kecha kun davomida jami 203 nafar fuqaro SOVID-19 ga qarshi emlandi. Vaktsinatsiya jarayonlari boshlanganidan buyon tumanda jami 12 ming 404 nafar fuqaro emlangan.

Tuman tibbiyot birlashmasi rahbari Muhabbatxon Qodirovaning so'zlariga ko'ra, hozirgi murakkab epidemiologik vaziyat odamlarning o'z salomatligi uchun qayg'urishiga, ongli ravishda vaksina olish uchun kelishiga sabab bo'lmoqda.

Emlash jarayonlari qolgan dam olish kunlari - 21 va 22 iyunda ham davom ettiriladi.

Kecha, 20 iyul kuni koronavirus infeksiyasi bilan zararlanishga oid 68 ta murojaat qabul qilingan. Bemorlarning ahvolidan kelib chiqib, ularning 7 nafari statsionar sharoitda davolanishga yotqizilgan. Qolganlariga zarur ko'rsatma va shifokor tavsiyalari berilgan.

Koronavirusga qarshi kurashda eng samarali yo'l - emlanish. Shunday ekan, turli shubhayu gumonlar bilan vaqt o'tkazmasdan, vaktsina olishga shoshiling.